

UTL AT DOWNSVIEW



D RANGE BAY SHLF POS ITEM C
39 10 10 01 06 017 8

4WG 76/66
DR
572
A23

'Abdülkerîm Nâdir, pâşâ
Serdâr-ı Kerim 'Abdülkerîm
Nâdir pâşânın müdâfa'nâmesi

PLEASE DO NOT REMOVE
CARDS OR SLIPS FROM THIS POCKET

UNIVERSITY OF TORONTO LIBRARY

سردار اکرم عبدالکريم نادر پاشا ننگ
ملک افغان میر



Abdu'l-Kerim Nadir Paşa.

Serdâr. Ekrem Abdu'l-Kerim
Nadir Paşa'nin mudafaa-namesi.

1329.

7K

'Abdülkerīm Nādir, pāṣā, 1807-1883

سردار اکرم عبدالکریم نادر پاشا

مُدَافِعِ نَامَةِ

Serdār-ı Kerīm 'Abdülkerīm
Nādir pāṣānın müdāfa' nāme

ناشری
قره کوز غزنه سی



در سعادت


مطبعة نفاست - چنبلی طاش - وزیر خان


۱۳۲۹



DR
572
A23

سردار اکرم
چوہانلی عبدالکریم نادر پاشا





برایکی سوز :

اقدام رفیق محترم مک ۱۸ تشرین اول تاریخی نسخه سنده سردار
اکرم عبدالکریم نادر پاشا مرحومک اول زمان سرعسکر بولنان
حسین عون پاشا به خطاباً یازدینی ۹۱ تاریخی برتذکره موجود ایدی.
سردار مشار الیه ، بوتذکره ایتالیا نک طرابلس غرب اوزرنده کی
احتراصاتی - همده - تام اوتوزیدی سنه اول خبرویریورکه نمونه امثال
اوله جق بردوربینلکدر . بوتذکره نک انتشارندن ایکی کون صکره
ینه اقدامک (بیوک قوماندان) عنوانلی مقاله سنده قدرت و مزیت
عسکریه سی معترف و مسلم بولنان سردار مشار الیهک اوصاف عالیه سی ذکر
اولنه رق مقاله نک نهایترینه طوغری ده ۹۳ محاربه سی ختامنده تحت محاکمه یه
النق ایسته نیلن مرحوم مشار الیهک دیوان حرب هیئتنه و یردیک مدافعه
نامه دن بحث ایدیلیور و اول وقت انجق اون نسخه قدر استنساخ ایدیله
بیان بومدافعه نامه نک عددی صکره دن بعض ارباب حمیت طرفندن تکثیر
ایدلمش ایسه ده شمدی هربری بریده قالدیغندن طولانی تأسف اولمقله
برابر نشری امیددی ده اظهار اولنیوردی .

بومقاله بی اوقوینجه برچوق مهالکه قارشی حرزجان ایلدیکم مدافعه نامه
مذکوری بولمق اوزره اوراق پریشانم آره سنه آتلدیم . قاریشدردم ،
بولدم . سعد طالع اثری اوله رق کچنکی حریقندن مصون قاله بیلمش ایدی .
مدعی عمومی عسکری علی نظامی پاشانک ادعا نامه سنه قارشی
پک واضح و مدلل اولان بومدافعه نامه سردار مشار الیهک اجرای
محاکمه سنی متعسر قیلمش ایدی . پاشا بومدافعه نامه سنده اولیل نازک
واینجه تلره طوقونمش و محاربه نک تا درسعادتن اداره ایدلمک صورتیه

وقوعه کتیریلن خطئیات و بو صورتله حصوله کلن تأخر اتدن اویله قطعیت
ووضوح ایله بحث ایلمش که مسئله دهها زیاده قورجالانسه آتشک صاچاغی
صاره جفی ا کلاشلدیغندن محاکمه تأخیر ایلمش، فقط سردار مشارالیهک
ارتق بوراده قالمسی ده اویه میه جفندن ردیف و محمود حمدی پاشا لرایله برلکده
اولا لیمنییه، صکره ده ردوسه نفی ایلمشدر. مشارالیه اوراده اون
سنه یی متجاوز بر زمان امرار حیات ایلدکدن صکره ۳۰۴ سنه سی
سهایتلیرینه طوغری عالم عقبایه رحلت ایلمشدر.

مدافعه نامه نك نشرینه و مغفور مشارالیهک یاد نامه وسیله اولدیغندن
طولانی اقدام رفیق محترمزه عرض تشکری و جیبه دن عدایلرو مظهریت
واقعه دن طولانی اعلان افتخار ایدرم. ۲۸ تشرین اول ۳۲۷

قره کوز غزنه سی هیئت تحریریه
مدیری

علی حیدر

مدعی عمومی فریق علی نظامی پاشا طرفند

ویریلن لایحه صورتیدر

روسیه دولتی سلطنت سنییه اعلان حرب ایتسی اوزرینه
جانب دولت علیه دن تدافعی تداییر قویهیه تشبثله کرک اناتولی
و کرک روم ایلی جهتتری حدود بویلرینه عساکر نظامیه وردیفه
ومعاونه ولوازم ومهمات مکمله سوق وتسریب بیوریلهرق وعموم
اهالی دخی محافظه وطن ایچون مالاً وبدناً غیرت ایدرک هر طرفک
تقویه ارکان محافظه سنه همتله حدود خاقانیه نک جمله سی مدافعه
دشمنه کافی برحاله قونمش وباخصوص طونه بوینده شمدییه
قدر امثالی کورلمه مش صورتده پیدرپی منتظم صورتده اسلحه
جدیده متنوعه ایله مجهز برقوه کلیه وافیه تحشد ایتدیریلهرک
وطونه نهرنده دخی مثلی نامسبوق عظیم ومکمل برزرهلی دونمای
هایون بولندیریلهرق دولت وملتک محافظه سی وملکک تسلط
اعدادن وقایه سی بوقوتک مدافعه شدید و سریعه سنه و آنک
قون حربیهیه توفیقاً حسن تعبیه و اداره سی مقام سرعسکرینک
انتخاب وتعیینیه برطاقم ذواته تودیع اولنمشدی .

روسیه ایله سابقلرده اجرا ایدیلن محارباتده ایسه دولت علیه
بوقوتک نصفه بیله مالک اوله مدینگی و روسیه نک قره دکزده
وطونه نهرنده برسفینه سی اولیه رق قوتی شمدیکندن دون
بولنمدینی حالد روسیه عسکری کوچ حال ایله یالکیز برمحلدن

كچه بيلمش وبالقانى آشه مامش ايدى. بود فعه برى و بحرى بو قدر
 قوت موجود و روسيه يالكىز طونه يي كچمك ايچون رسما قرق
 اللى بيك آدمى كوزندن چيقارمى ايكن مدافعه و مقابله لازم
 كورمكسزىن طونه يي ايكي يردن تجـ اوزله بونجه فنا لى اجرا
 و (بيله) كى بر موقع مهم طوئش ايكن مؤخرآ اوراسى دخى
 تخليه ايله (طرنوى) يولى آچلمش و (طرنوى) طبيى
 براستحكام كى اولدينى حالده قوه كافيه بولندير مامش اولمسندن
 ناشى (بيله) يه كلرك (طرنوى) يي استيلا دن صكره دخى
 بلامشكلات بالقانى آشوب مواقع معلومه يه كئش و پايتختى تهلكيه
 دوشورمى و بوده اول قدر قوتك قلعـ لرده قاىوب قاله رق طونه يي
 كچمى اولان دشمنك ايلرو لمسه مانع اوله جق تدابيرـ تشبث
 اولنماسندن نشأت ايتمـ در. بو قدر قوت موجود بولنش وقوه
 نهرى سى قومانداسى دخى قوه بريـ قوماندانلغه تفويض اولنش
 ايكن روسيه لينك بلامانـ طونه يي ايكي يردن تجـ اوزله بونجه
 خساراتى اجرا ايله ناموس عسكرى يي ليكدار ايتمكه سبييت
 و برنلردن برى ده سردار سابق عبدى باشادر .

زيرا مشار اليك مأمورى يي ك مهم اولدينى كى مسئوليتك
 درجه سى دخى اونـ سبتـ بولندينى بدى ايكن وقت وزمانيله
 طونه ك نقاط مهمه سى تقويه و محافظه يه كفى لازم كلن قوتك
 تعيينـده و شايد روسيه لى طونه يي تجاوز ايدـ بيلوده استيلا ايدـ جكى
 مأمول اولان محللر اهالىـك مال و جانلرى دخى بر درجه يه قدر
 سمت سلامتـه ايصال ايچون محللرى حكومتلرنجه اقتضا ايدن
 تدابيرـه قصورى ميدانده ، باخصوص روسيه ك برايكى محلدن

یعنی (زشتوی) و (نیکبولی) طرفلرندن طونه‌یی کچه‌جکی
 ذکر اولنان محملر قارشو سنده اجرا ایتدیکی مانورالر و کوریلن
 تدارکات و ادوات حربیه‌لریله بیاغی معلوم اولدقدن صکره‌اورالر
 مقدار کافی عسکر یتشدیرلمسی امرنده سعی و غیرت ایتک شویله
 طورسون (زشتوی) دن کچن دشمنک بالقان جهتنه ایلرولمسی
 منع ایچون دخی هیج برتدیره تشبث ایتدیکی بیاندن ازاده
 بولنش و الحاصل مشارالیه حائر اولدینی مأموریتک درجه
 عالیه‌سنی اصلاً مهمسه‌میوب یالکیز (شمنی) ده اقامتله دشمن
 طونه‌یی کچدی و بالقانی آشوب (ادرنه) یه واورادن (استانبول) ه
 کله‌جکدر اخبار مو حشه‌سنی در سعادته ایصاله حصر اوقات
 ایشدر .

بوندن معلوم اولدینی وجه ایله روسیه‌نک بویله بلامانع
 طونه‌یی و بالقانی تجاوزله ملکاً و مالاً و نفساً ایتدیکی بونجه
 تخریبات و خسارات و تلفاتک باشلیجه مسیبلرندن بری مشارالیه
 عبدی پاشا اولوب بوده یا عمداً، یا خود جهلاً اولمق لازم کله‌جکنه
 و بو احتمالک هر هانکیسی اولور ایسه اولسون کندوسی مسئولیت
 شدیدہ التنده بواندیغنه مبنی مشارالیهک تحت محاکمه یه انهرق
 تبیین ایده‌جک درجه تهمنته کوره حقنده قانوناً لازم کله‌جک
 معاملهنک اجراسنی دیوان حرب هیئتندن سلطنت سنیه و ملت
 معظمه عثمانیه نام جلیلته اوله‌رق طلب ایده‌رم .

۱۴ شعبان سنه ۹۴

فریق علی نظامی

شویله طورسون مواقع معروضه ایچون وافی اوله جنی ظن اولمازه .
محاربات سابقده دولت علیه شمدیکی قوه عسکریه سنک نصفنه
بیله مالک اولمدینی و روسیه لونک قوتی شمدیکندن دون
بولمدینی حالده کوچ حالیه طونه نی یالکیز بر یردن کچه بیلدیکی
وبالتانی آشه مدینی و بودفعه ایسه بوقدر قوت وار ایکن
وروسیه لو یالکیز طونه نی کچمک ایچون رسماً قرق الی بیك
آدمی کوزدن چیقارمش ایکن مدافعه و مقابله کورمکمزین
طونه نی ایکی یرندن کچدیکی بیان بیوریلیور . دولت علیه نک
مسئله ماضیه ده طونه سوا حلنده بولندیردینی قوت شمدیکندن
پک آز اولمدینی کبی روسیه لونک بودفعه طونه جهتنه کتیردیکی
قوه عسکریه مقداری مسئله سابقده کتوردیکی عسکرک
ایکی مثلندن پک چوق زیاده در . بوندن بشقه مملکتین عسکری ده
بوقوته منضم و معاوندر . روسیه لونک بودفعه روم ایلنه تجاوزی
ایچون اولان بوتشبات و تدارکاتک درجانی بالذات ایمرطورک
وولی عهدینک اوراده بولمسیله ا کلاشیلیر . دشمنک قوه
عسکریه سنک مقدارینی مشارایه علی نظامی پاشا حضرتلرینک
(روسیه لونک طونه نی تجاوز ایچون قرق الی بیك کشی نی
کوزدن چیقارمشدر) بیورملری ده اثبات ایدیور . بوکا قارشی
بزم المزدده بولنان قوت ایسه یوز یتمش طابوردن عبارت کبی ایدی .
روسیه مسئله ماضیه ده واقعا یالکیز دو بریجه جهتنه تجاوز
ایده بیلدی . چونکه مملکتینده اول زمان شمندوفر کبی برواسطه
نقلیه اولمدینی ایچون یوقارولره عسکر و مهمات سوق ایده مزدی .
وسائط تجاوزیه که برطاقم اشیای ثقیله در اول وقت بونلری برآ

یوقارولرہ نقل ایده میه جکی کبی نهر آ دخی است حکام تیز او کندن
 کچیره مزدی . شمدی ایسه حال کلیآ بونک خلافتدر . بوندن
 بشقه اول وقت مملکتینک خطر جعتنی اوستریا بونک تهدید ایتسیله
 اوراده بر قوه احتیاطیه طوطغه مجبوری و اجنبی متفق لریمزک
 تأثیر نفوذی وانلردن عسکر انتظار ی موجود ایدی . بونلردن
 ومسئله ماضیه اثناسنده اولاخ بغدادن عسکرینک دشمنه معاون
 اولماسندن و صربستانک علایم تجاوزیه سی و بلغارستانجه عصیان
 ملاحظه سی و قره طاغ مسئله سی بولنماسندن مسئله حاضره نک
 بالوجوه مسئله ماضیه قیاس قبول ایتیه جکی هیئت محترمه دیوان
 دخی تصدیق ایدر . سلطنت سنیه نک عموم قوتی واقعا مسئله
 ماضیه ده کی قوه عمومیه دن چوق فضلدر . فقط بزم موضوع بحشمز
 طونه جهتنده کی قوتدر . مذکور مذکور نک بر فقر سنده دخی (بیله)
 کبی بر موقع مهم الده ایکن مؤخرآ تخلیه اولنه رق طرنوی بونک
 آچل دینی و طرنوی مستحکم اولدینی حالد اوراده مقدار کافی
 عسکر بولندیرلما سندن ناشی دشمن بیله دن کلوب طرنوی بی
 ضبط ایتدیکی و صکره بلامانع بالقانی کچدیکی کوستریلیور .

اهل وقوفک معلومی اولدینی و بر مفصل و صحیح خریطه یه
 مراجعت ایدلده جمله نک معلومی اوله جنی و جهله (بیله) دینیلان
 موقع روسجقندن طرنوی یه کیدن شوسه نک یانتره صوینی قطع
 ایتدیکی نقطه سنک پیشگاهنده واقع بر قریه اولوب اوراده مذکور صویک
 اوزرنده کی کوپری یه دخی (بیله) کوپری سی تسمیه ایدلمش و کوپری دن
 کچن شوسه فی الواقع طرنوی یه کیدر ایسه ده بویول روسجقندن کلنلر
 ایچون بولنمشدر . زشتوی دن ایسه اشبو بیله نک درت بش ساعت

آچيغندن كچر و طوغرى بجه طرفى به كيدر مكممل بر شوسه بولنديغى كى
 زشتيدن سلورى به كيدن شوسه دن آرييله رق طرفى به بشته
 بر شوسه طريقى دها واردر كه روسيه لى طرفى به اشبو يوللاردن
 كلوب (بيله) دن كچمه مشدر . بو حاله نظراً (بيله) موقعه نك الده
 طوتامسى دشمنه طرفى به يول ويرمه مك ديمك اولميه جنى
 جهته اهميتلى اولميه جنى كى بلكه اويله جزئى قوتله اوراده طورامسى
 نه درجه هلكه لى اوله جنى ارباب فنك معلوميدر . زيرا (بيله)
 موقعى روسجغه طقوز اون ساعت اولوب زشتويده كى دشمن
 ايسه ياتردنك مناسب محاللاردن كچهر ك اوراده بولنان قوتك
 ارقه سنى المسى پك قابلدز . ايشته بو محذور مطالعه سنه و ذاتاً
 اوراده قوت طوتامقدن بر شى استفاده ايدلميه چكمنه و دشمن
 بوصور تله ارقه سنى الور ايسه تخلص ايجون الده كافى قوت
 بولنه مامسنه مبنى روسجق فرقه سندن اوراده بولنان مفرزه به فنا
 لزوم وورمه سندن طولايى روسجغه واصله كسب ايتسون
 ايجون (ترسك) جهته طوغرى چكديرلمش ايدى .

طرفى نك طبيعى مستحكم اولديغى حاله ارقوت بولنديرلمش
 اولمسندن ناشى دشمن طرفدن ضبط اولمش اولديغى بختنه كچمه شميدن
 بالخاصه طونه عموم قوماندانى بولنان دولتلو احمد ايوب پاشا تكرار
 لاجل المعايه طرفى ونى كولى جهته رينه كيتديكى صروده ذاتادخى
 معلوم عاجز ايم اولديغى وجه ايله طرفى نك استحكام ويريله رك
 آز قوتله طوتامسى حسب المواقع ممكن اولميه جنى بيان ايتمش
 و بورانك حال تدافعه قوتامسى يكرمى اش بلكه اوتوز طابور
 عسكر اقامه سنه متوقف والده بولنان و مقدارى معلوم اولان قوه

عسکر یہ دن ایسہ اور اسی ایچون اول مقدار عسکر تفریقی غیر قابل
 بولنش اولدیغندن اور اده یالکیز آسایش داخلینک محافظہ سی
 ایچون میر آلا ی علی حمدی بک قومانداسیلہ ذاتاً اور اده بولنان درت
 طابور ترک ایدلمش و بوحال مکرراً در سعادتہ یازلدینی کبی طر نویدہ
 درت طابور بولندینی تقدیم قیلنن ژورنالده دخی محرر بولنش
 ایدی . بالقانلرک طو تلمسی ایسہ ذاتاً در سعادتہ عائدو بونک ایچون
 ادرہ دہ بولندر مق اوزرہ قرق بیک کشیک بر قوۃ احتیاطیہ ترتیبی
 مقرر ایدی . طونہ جہتہ ندہ بولنان قوت اورالر ایچون کافی اولمدینی
 حالده بونککہ بالقانک دہ محافظہ سی قابل اولہ میہ جنی ہر کسجہ معلوم
 اولوب بالقان جہتہ نک ذاتاً طرف عاجزانہ مہ تعلق یوق ایکن ینہ ادرہ سی
 پچون مرتب قوتک لزومی و سرعتلہ اجرای ایجابی متادیاً
 در سعادتہ یازلمش ایدی . طونہ جہتہ نہ مواصلت عاجزانہ مہ
 دقیقہ سندن بدأ ایلہ ذاتاً اورالر یلہ اولان معلومات موقعیہ عاجزانہ مہ
 قناعت ایتیوب اکثر مواقعی مکرراً وبالذات طولانیہ رق
 وبعض محللرہ دخی مشار الیہ احمد ایوب پاشا و فریق سعادتلو نجیب پاشا
 حضراتی وار دونک ارکان حربیہ رئیس بولنان میرلوا سعادتلور فریق
 پاشایی کوندردک . معلومات مکررہ استحصال ایدوب الدہ بولنان
 قوۃ عسکر یہ نک تعبیہ سنہ واستحکامات نافعہ نک اکملنہ و یکیدن
 ایجاب ایدن محللر دہ استحکام انشاسنہ و مہمات ولوازمات غیر مکملہ نک
 معلوم اولان حالک تحملنہ کورہ تزید و اتمامنہ فوق العادہ والدن
 کلدیکندن زیادہ وحسب الوظیفہ سعی و غیرت اولنش و دشمن
 ہر نرہ دن تجاوزہ تصدی ایتدی ایسہ عسکر دن خالی بریر
 بولہ مامشدر . فقط معلوم اولدینی اوزرہ و مکرراً عرض اولدینی .

ووجهه بو ترتیبات الدہ بولنان سرمایہ گورہ تعبیه ایدیلہ بیلمشدر۔
 نرمدہ نہ مقدار عسکر بولندینی هر وقت یازلدینی کی بوبابده
 ژورنال دخی تقدیم اولمش و بو ژورنال ایجاب ایدن ذوات عالیہ
 طرغندن البتہ مطالعہ و تدقیق بیورلمشدر و حاجا تحقیق ایچون
 مواقعی طولاشان یاوران حضرت شهر یارینک منظورلری
 اولمشدر۔ کافہ سوا حاکم محافظہ سی و جهت جهت مواقع معروضہ
 ایچون مرتب عسکر حوالہ و ایجابی وجہ ایلہ قومانداسی مواقع
 مذکورہ قوماندانلرینہ احالہ اولمشدر کہ بیوک قوماندانک اجرا آتی
 بوندن عبارت اولہ بیلیر۔ ایشتہ بو ترتیباتک ثمرہ سیدر کہ دشمن
 شمندوفر خطنی الدہ ایدہ بیلیمک ایچون طو تره قان ایلہ روسجق
 بیننده کی محللردن تجاوزی فوق العادہ ارزو ایتمش و بو کا چوق
 کرم و پک زیادہ چالشمش ایسده هر یرده قارشیشنده مدافعه
 بولہرق موفق اولہ مامشدر۔ اوت دشمنک اصل مقصدی
 روسجق ایلہ طو تره قان آرمسیلہ نیکیبولیدن کچمک اولدینی حس
 اولندی و پک چوق یرلردن اول صورتلہ خبر یرلدی ایدی۔
 حقیقت اورالردن دخی تجاوزہ چالشدی اما یول بولہمدی۔ اگر
 ایستدیکي محلدن تجاوزہ اصرار ایدہ ایدی کوزدن چیقاردینی
 بیان اولنان قرق الی بیك کشیدن بشقہ دها پک چوق تلفات
 ویریر ایدی نہ موفق اولہ مازدی۔ دوبریجه قطعہ سنک ذاتاً
 موقعی معلوم اولوب حسب المواقع اورادہ بولنان قوتک جزوئیت
 مقداری دخی محتاج عرض اولمغلہ استنادک مجرد دونمای هایون
 اولدینی حالده دونمادن بروجہ معروض مطلوب اولان خدمت
 و منفعت حاصل اولماسیلہ دشمن بالطبع اورادن تجاوزہ

فرستیاب اولمش فقط زشتوی موقعی بویله اولیوب موقعنک
ایجابنه کوره عسکرله طوتاش یعنی خفی اولدینی وجهله احمد
پاشا لواسیله محافظه ایدلمش اولدینی کی قارشیمی کوللک
و بظاقلق اولدینی و هیچ بر وجهله دشمنک سرورینه فنا
الویرشلی اولدینی محقق اولان بر محل بولندینی و اورادن
تجاوز اعدا مظنون اولدینی حالد سالف العرض مقصدی
اولان محللردن تجاوزه موفق اوله مدیغندن و اوله میه جغنی
دخی قویاً کلادیغندن و اولجه دخی عرض اولندینی اوزره
دشمنک بودفعه کی شو تدارکاتی خارج از تصور بولندیغندن هیچ
حس اولنمیان بر چوق واپور و استمپوط و دوبه وصال گی
اسباب تجاوزیه ایله لیملاً زشتویدن تجاوزه مجبوراً تصدی ایتمش
و هر نه قدر اوراده مهما ممکن مدافعه یه کافی عسکر موجود ایه ده
هر نصلسه تجاوزه فرجه یاب اولمشدر. دشمنک عرض اولندینی اوزره
اسباب سروریه سنک مکملیتی جهتیله بردن بره اورایه خیلی قوت کچیرمش
ایسه ده بوکا قارشی تیز الدن کوندریله جک عسکرک روس جقدن
سوقی لازم کلوب حالبوکه روس جقدن بولنان قوه عسکریه نک
ذاتاً لزوم حقیقی زاده سنده بیله اولدینی کی بوسره ده دشمن
روس جفک آنت طرفلرندن دخی تجاوزه چالیشمده اولدیغندن
و اوجهلردن تجاوزی ایسه ده مضر اولدینی کی سالف البینان
دشمنک زشتویدن تجاوزی ذاتاً و فناً مأمول اولیوب بر ساخته
تجاوز بولنمی دخی احتمالدن بعید اولدیغندن در حال یعنی
دشمنک تجاوز ایتمکه ولدینی خبری الندیفی آنده انصرف
پاشا حضر تلری روس جقدن (بیله) یه طوغری انجق برلوا قدر

عسکر کوندره بیلیمش و بوقوت زشتویدن اورایه کچمش اولان احمد
 حمدی پاشا لواسیاه (بیله) ده قارشیلان شوب فقط او کون اورایه
 کچمش اولان دشمن عسکرلرینک کلیتلی اولدیغنی خبر المری
 جهتیه روسجقندن کیدن لوا (بیله) دن اوتیه کیده مامشدر . بو
 خبر اندیغنی کیجه درعقب روسجقندن زشتوییه زرهللی سوقیه
 بحرآده برایش کورلمسی طرف عاجزانهدن اشرف پاشا
 حضرتلرینه یازلدیغنی کی طونه بحرینه قوماندانلغنه تعیین بیوریلان
 وسیم پاشا حضرتلری هنوز شمنیه کلوب اوراده اولمسی جهتیه
 اشعار عاجزانهمه دخی قوت اولمق اوزره مشار الیهی اویقودن
 قالدیردق ایجاب ایدنلره طرفندن دخی تلغراف یازلمش
 ایسهده اولوقت بحرآ برایش کوریه مامشدر . بو وقوعات
 عقبنده شمنی دن همان برلوا عسکرک یعنی آلتی طابوردن عبارت
 اولان صفوت پاشا لواسنک هم اورایه سوق اولنه جق قوتک
 (آوان غاردی) اولمق، همده خرستیمانلرک محسوس اولان افکار
 فاسدهلرینک اجراسی خصوصنه میدان ویرلامک اوزره عثمان
 بازارینه طوغری سوق ایدلکی مئللو دشمنک صاغ جناحنی
 تهدید ایتک اوزره ویدینه بولان عثمان پاشایه دخی قوه معلومه
 ایله همان حرکتیه حاضرلنسی امری ویرلمش و شمنیده کی پیاده
 فرقه سنک بری هم دشمنی صول جناحدن تهدید ایتک، همده
 بالقان جهتنی که زتمک ایچون ینه عثمان بازارینه سوق اولنمق
 اوزره حاضرلنمش ایسهده او آرمق همه حال زشتویده کی
 دشمن اوزرینه عسکر سوق اولنسی مجلس عسکرینک قراریه
 در سعادتن قطعاً امر بیورلمسی جهتیه مذکور پیاده فرقه سی

اُون ايکي طاہورہ ابلاغ اولنہ بیلہ رک بونک شمنیدہ بولنان سواری
 فرقہ سیلہ برابر احمد ایوب پاشا حاضر تلیرینہ بالتر فیک روسجقہ طوغرو
 یولہ چیقارلمش وشمیندن زشتوی یہ عسکر سوتی یدی سکز کونہ
 متوقف اولدیغندن و جهات سائر مدہ بو حرکت افکار عاجزانہ مجہ
 نفس الامر مدہ اولجہ تصور اولنان حرکت کی صا غلام
 وفائده لی کوریلہ مامش ایسده مذکور امر قطعی یہ امتثالاً بو
 فرقہ کور چشمہ موقعنہ قدر ایبر ولیوب روسجقندن دخی اُون
 ایکی طاہور ایلہ اشرف پاشا حاضر تلیر کلوب اورادہ سواری
 فرقہ سی دشمن سوار سیلہ چرقہ لشمغہ باشلامشدر . فقط
 اوصردہ سر عسکر سابق ردیف ودولتو نامق پاشا لر حضراتی
 مأموراً شمنی یہ تشریف بیورمش اولدقلرندن ارتق ایشجہ
 ید عاجزانہ مدہ اوقدر قوت قالمدینی کی مشارالیه احمد ایوب
 پاشا فرقہ سنک دشمن اوزرینہ وارمسی مصیب اولیوب دشمنی
 اوزرینہ دعوت الہ کندوسی الویریشلی بر محلدہ محاربہ ایتسی
 مناسب اولہ جغندن بحثلہ اول وجهلہ حرکت ایتدیرلمسی مشارالیه
 نامق پاشا حاضر تلیر طرفندن حسب المأموریه رأی وتنسیب
 بیورلمسیلہ اول وجه ایلہ ایجابی اجرا قلنمش ومتعاقباً در سعادتجہ
 بر بیوک پلان ترتیب بیورلدیغندن ارتق دشمنک اوزرینہ
 وارلیوب شمدیلک دشمنی اورالردہ اوایلاندر مق لازم کلہ جکی
 ارادہ بیورلمشدر . اولجہ عثمان پاشا حاضر تلیرینہ ودیندن حرکت
 ایچون امر ویرلدیکی عرض اولنمش ایدی . اشبو امر ویرلدیکی
 صردہ روسیہ لونک تیموق نہرینک آلت طرفندن تجاوز
 ایدہ جکی در سعادتدن اخطار اولنسی روسیہ لونک بر ایکی کونہ

قدر نيملودنيه دن تجاوز ايدم جي ینه درسعادتن عثمان پاشا
 حضرتلرينه يازلمسي جهتله مشاراليه عثمان پاشانك حرکتی بر قاج
 کون قدر طبعی تأخير اولمش ايسهده پلونه نك اهميت موقعيه سي
 ومشاراليهك بهممه حال كلوب پلونه ني طومسي اهم والزم اولديغني
 بيلديکمدن بو بابه مشاراليهما نامق ورديف پاشا الر حضراتي
 اقناع ايله عثمان پاشا حضرتلريني پلونه يه چکدم ولازم کلن
 تعليماتي اعطا ايله او تعليماتي درسعاده عرض ايتدم و دشمن
 پلونه نك اهميتي تقدير ايدرك اوراسني يد ضبطنه کچيرمک فکريله
 دفعاتله هجوم ايتمش ايسهده حمد اولسون منهزم اولمش واشبو
 مانوره دشمنك صاغ جناحني قيرمش ایدی. ! کر امر قوماندایه
 مداخله اولنماش اولسه ایدی حالک ايجاب ايتديره جي صورتله
 مختار قالسه ايدم دشمن بالقانه طوغري ايلرولمزدی . بو حال
 اربابنك معلوميدر . نه چاره که اوزاقدن امر قوماندایه مداخله
 ايشه بشقه رنك کسب ايتيردی . اوت اویله اولدی. چونکه
 عاجزلری سالف البیان صفوت پاشاي لواسيله عثمان بازارينه
 حرکت ايتديرديکم صرهده جهتلريني ، هر بر مواقعي لايقيه
 بيلديکمدن کرلوه خلقنك اختيارلريني دعوتله عسکرله برلکده
 حرکت ايتلرينه تعهد ايتديرمش وبو خلقدن سلاح استعمال
 ايدم ييله جکلری اسلحه جديده ايله تسليح ايلش وعزيز پاشا
 فرقه سي دخي سوق ايتمک اوزره بولنش ايدم . فقط بوکامو فوق
 اولنه ميهرق اشبو فرقه ديکر قوماندا ايله زشتوی طرفه حرکت
 ايتيرلدي واشرف پاشا حضرتلری دخي اون ايکی طابورله
 روسجندن جيغوب برلشدی. بو صرهده روسجقده بولنان سرياور

حضرت پادشاهی سعادتلو پاشانک مکرراً وقوع بولان اشعار
 اخطارینہ مبفی رو۔ جغندہ قوت قالمدیغندن و دشمن الت طرفندن کچمک
 چالشمقده اولوب عسکر یتشدرلمز سه روسه جق الدن کیده جکندن
 بحمله اورایه عسکر یتشدر یلمسی مابین هایون جانب عالیسنندن امر
 وفرمان بیورلمقله در عقب اورایه عسکر سوقنه مجبوریت حاصل
 اولدی . ایشته بوفر قه نك دیگر قوماندالره اورالرده بلا استفاده
 وقت کچیرمسی دشمنه میدان ویرمکله طرنوینک قوتی ذاتاً آز
 بولندی کی عثمان بازارنده بولنان عسکرده مرتبه کفایده
 اولماغله دشمن سروی جهتندن طرنوی طوتدی و بالقانندن
 ایلرولدی . بونک اوزرینه صفوت پاشا لواسنک ایکی طابوری
 قزانلغه کوندریلهرک اوراسی طوتلدینی کی عثمان بازارنده قالان
 عسکر دخی ینه در سعادت طرفندن اسلمیه طرفنه حرکت
 ایتدیرلمش اولدینی صکره دن خبر آلندی . حاجی غراندوق بک
 رفاقتیله ادرنه جهتندن شمنی ینه کلکده اولان چرکس سوار
 یلرینک اوراده توقیفی طرف عاجزانهدن اسلمیه متصرفلغه
 یازلمش اولدینی حالده مؤخرأ رؤف پاشا حضرتلرینک اورای
 تشریفلرنده عساکر مرقومه مشارالیه حضرتلری طرفندن
 کاملاً شمنی ینه اعزام اولنش ایکن مؤخرأ بونلر و شمنیده بولنان
 دیگر سواریلر در سعادتک امریله مجبوراً بالقانک اوبر یوزینه
 سوق اولندی . دشمنک بوصورتله ایلرولمسی اوزرینه ینه اولجه
 متصور اولان مذکور پلانندن نتایج حسنه استحصال اولنه
 جغندہ کی امرقوی و دشمنک شو پریشانیء حالندن بریوئک استفاده نك
 الدن چیقارلما مسی ملاحظه سی ینه بومانورہ نك اجراسی حقندہ

تشیبات لازمه و جداناً اجبار ایلمسیه مشارالیهما نامق وردیف
پاشا لر حضراتی بالاقناع فرقه نك قاضی قریه سندن ینه عثمان
پازارینه حرکتی حتمده احمد ایوب پاشا حضر تلمرینه امر ویرلدی
وارتق طوترده قان جهتمده دخی اول قدر قورقو قالمدیغندن
اوراده بولنان آصف پاشا مذکور احمد ایوب پاشا فرقه سیله
هزار غراده برلشمك اوزره اون طابور ایله طوترده قاندن
حرکت ایتدیرلدی و حتی شمنیده بولنان طرنوی متصرفی
جلب ایله مشارالیهما حضراتی دخی حاضر اولدقلری حاله
عسكرك صورت اداره سی مذاکره ایدیلر ك تداركات ایچون
عثمان پازارینه کوندرلدی و بو حرکت دخی در سعادت یازلدی .
فقط لایقیه بیلمدیکم اسبابدن ناشی ینه در سعادتدن مشارالیه
ردیف پاشایه وقوع بولان اشعار اوزرینه بو حرکت دخی تأخیر
اولندی . اگر بومانورده اجرا اولنسه ایدی بعینه تعالی
دشمنك صول قنادی دخی قیریلهرق پك بیوك نتایج حسنه
استحصال اوله جفی اهللك عنندنه معلوم و مصد قدر . بونی
متعقب شمنیده سالم پاشا لواسی همان جمعه پازاری جهتلرنده
اولان قوته ضم ایدلدیکی کبی ینه بومانورده نك اجرایی چاره سی
آرامقده ایکن - ائقه قدر عودتمزی ایجاب ایتدیردی . دشمنك
اوصره ده کی اهزامندن استفاده اولنیهرق شمدی ینه قدر کسب
قوت ایتسنه میدان بر اقل مسندن دولایی الیوم تأسفدن کندی
آلهام . الحاصل لایحه مذکورده بیان بیورلدیغی کبی عاجز لری
بوش اولهرق شمدی ده اوتورمدم . بلکه ترتیبات و اجراآت
ایچون وجود عاجزانه مك تحملندن زیاده موافقی طولاشدم .

عسكرك بر نقرى بيله فضله اوله رق قلعه لرده قلوب قپانمدى. قلعه لر
 ايجون ذاتاً مرتب اولان عسكر مرتبه كفايه ده دكل ايكن بونلردن
 دخى مدافعه اعدا ايجون چيقاريلان وايجاب ايدن يرلره تعيين
 ايديلن مقدارندن ماعدا قلعه لرده قالان عسكر او قلعه لرك مهمما.
 امكن محافظه سى ايجون لزومى اولان عسكرك ثلثى نسبتنده بيله
 دكل ايدى. وديندن عثمان پاشا حركت ايتديرلدى. روس جقدن
 اشرف پاشا چيقارلدى. حتى بونك ايجون سالف العرض فرياد اولنمش
 ايدى. شمنيده لاقلا سيار اوله رق قرق الى طابور بولمق لازم ايكن
 قلعه ي دخى محافظه ايتك ايجون قرق بش طابور عسكر آنجق
 وار ايدى كه بوده يالكز استحكاماتك محافظه سنه كافي دكل ايدى.
 بوندن دخى فرقه سياره ومفرزملر ترتيب و اخراج اولندى وهپ
 بواجرا آت هر بر نفر دن بيك درلو محسنات استحصا لولنه جق
 صورتده اجرا ايدلدى. ساحلك هر جهتي عسكر له طوتلدى. لكن
 معلومدر كه بيوك قوماندان هر لوي، هر طابورى، هر بلوكى بالذات
 قوماند ايدمز. هانكي قلعه ده بي لزوم اوله رق نه قدر عسكر قالمش، دشمن
 نره دن تجاوزده چالشمش ده قارشيسنده بر قوت دافعه بوله مامشدر.
 طونه عموم قوماندانى ذاتاً ميدانده اولوب عاجزلى يالكز كليات
 اموره نظارته مأمور اولمق لازم كليكن ال برلكيله وبوجودايله
 مفردات اموره فوق العاده چالشلدى. دشمنك حركاتنه والدى
 قوته كوره ممكن اولان ولازم كلن ترتيباتى اجرا ايتدم ونه خارجى
 و داخلى دشمنمرك، نه ده مواقعك احواله معلوماتلرى اوليان
 ذوات طرفلرندن امر قوماندايه مداخله اولنمى جهتيله معلومات
 اوزرينه ايدلمش وايديله جك تشبث ثمره سز براقلدى. قوماندايه

خار جدن مداخله اولمسندن دولترجه نصل سيئاته تصادف
 اولنديغي تواريخمده مسطوردر. در سعادت روم ايلينك اهميتني تقدير
 ايتدى. روم ايلي ايچون ترتيبى مقرر اولان قونى روم ايلي به نسبتله
 او قدر اهميتى اوليان اناطولى وهيج بر ثمره ني مفيد اوليه جق
 اولان صخومه صرف واستهلاك ايتدى. مذكور قوتك سرعت
 ترتيب وتسييريني دفعا تله اخطار ايتدم وروم ايلي ايچون عسكـ
 ر اولان احتياجى ارکان حربيه رئيسى سعادتلو محمود پاشا حضرت تـ
 لرينه عرض ايتدم. حال بويله ايكن در سعادتك خطاسندن طولاي
 نيچون مسئول اوليم. در سعادتى اخافه ايتدى دنيلن تلغرافنامه
 عاجزى كچن سنه كي بلغارستان مسئله سيله وانلرك دفع شقاوتـ
 لريله اوغراشديلم ائاده بلغارلرك افكار وآمالـ لرينه وكنـ
 ديلرينك فساد وشقاوت ايچون روسيه لو طرفدن فرقه وآلاى و
 طابور هيئتده ثبت دفتر ايديلررك او اعداده اولدقـ
 لرينه يقيناً كسب وقوف ومعلومات ايتمش وروسيه لونك
 دولت بحار به سنك قواعدى خارجنده وعادتا حيدود
 صفتده بلغارلر واسطه سيله بالقانى تجاوز
 ايتـ لريله حس اولمسنه مبنى بك طوغرويك صادقانه
 براخطار ايدى. حق سليمان پاشا حضرت تـ لريني
 ادره جهته كتوروب استانبولك خطاي سابقنى
 اصلاح ايدن اولتـ لر افدر. اشبو اخطار عاجزانه مك
 شاين تقدير اوله جفى يرده شمـ دى بونـ كـ له
 اتهام اولتـ لر اغمه چاليشـ دى غنه تأسف ايتـ
 مك قابل دكلدر. مكرراً عرض ايتدم كه سـ
 واحلك كافى طوتـ لش ايدى. انك ايچون اـ
 هالينك ده كـ رو چكـ لمـ سـ نه حاجت كـ
 ريله مامش، معـ مافيه كـ نـ دـ يـ
 لريني محافظه مدار اولق اوزره ذاتاً
 اوراده بولنان وسكره جلب ايدـ
 لن

اسلحه روسحق اهالی مسلمان سنه بالا عطا بونلر تسلیم اولدینی کبی
 دهالجاب ایدنلر ده تسلیم اولنق اوزره بر مقدار اسلحه در سعادتدن
 جلب اولنوب ولایت کتورلمشدر و هر صورتله اهالینک امر
 محافظه لینه سعی وغیرتدن دخی کیرو طورولماشدر . بونکله برابر
 اهالی ایشی باب عالی یه عائد موادنددر . بوایشک جهت ملکیه یه
 عائد اولدینی لایحه ده اثبات ایدیلور . شوراسنی عرض ایتدکن
 کندی می آله هم که معلوم اولدینی وجه ایلله دولت علیه ابدیه الدوامک
 خدمتنده بوسن و ساله کلمش ورکوب و نزوله عاجز لرینی اقتداردن
 اسقاط ایدن بر علتله ده معلول بولنمش اولدیغ و ساییه مراحوایه جناب
 شریاریده آرتق زمره دعا کویانه التحاق زمانی کلمش ایکن ابوا جدا
 دمک همان کافه سی کیمیسی لغم ایلله آتیه رق و کیمیسی تیغ و تفنگ
 دشمن ایلله جان ویره رک او طویر اقرده دین و وطن قربانی
 اولمش اولدقلری ایچون فخر و بونلره التحاق آرزوی قویسیله
 و خاندان سنیه لرینک کتر بنده سی و نعم الطاف جلیله شهریار یلرینک
 پرورده سی بولندیغ ولی نعمتمن پادشاهمز افندمن حضرتلرینک
 اراده کر معاده جهان بنایلری سوقیله مع الافتخار بونجه مشاق
 اختیار و مالک اولدیغ یالکنز برجانمی آتالرم کبی و طمن یولنده
 پادشاهم اوزرنده ایشاره احضار ایتمش اولدیغ حالدده تشبثات
 معروضه یوقاریده عرض و بیان اولنان سکتیه اوغرا دلش
 و بونک چارده سی بولغه و ثمره سنر دوشور مامکه اوغرا شمعده
 ایکن تام استحصال ثمره زماننده بتون بتون حرمانم روا
 کورلمشدر . هیج بر نظر انصاف و تقدیر و تحسیندن بشقه
 بر صورتله کور یله میه جک بونجه خدمات مستحسنه بیلمم که نه دن

طولانی تقدیر اولندقدن بشقه قباحت کی کوریلهرک ناموسی
 عسکری بی اخلاق ایدر صبرنده انواع حقارات عظیمه ایله
 حبس و توقیف اولندقدن بشقه برده مجرد در سعادتك خطاسندن
 ایلری کلمش بعض او یغونسزاق طرف عاجزانه مه عز و واسناد
 اولنهرق بونلری عمداً و یاخود جهلاً اجرا ایتدیکم بر صورت
 غیر لایقه ده در میان ایدلمشدر .

« عمداً » لفظات معنای موضو عندن استبدال اولنان
 مقصدی شمدی به قدر هر برده صادقانه ایلدیکم خدمات ایله و یالکیز
 اولاد و عیالمی باریسیدیره حق برخاهدن بشقه بر نقد و ایراده مالک
 اولماملغم ایله و « جهل » تعبیر غلیظنی دخی بتون عالمک انصافنه
 مراجعتله رد ایدهرم . ذاتاً کندیمی بودین و دولت او غرنده
 چو قمن فدا ایتمش اولدیغمدن اشبو معروضاتی هیئت محترمه نك
 انصافنه حواله وایشی جناب عادل مطلقک عدل و مرحمتله حاله
 ایدهرک ینه تشبیهات سابقه نك ثمره سز بر اقلدیغنه تأسف ایله
 برابر پادشاهمز افندیمز حضرتلرینک مظهر مظفریات عظیمه
 اولمسی دعواتنه مداومت ایلرم .

عبدی

فی ۲۲ آغستوس سنه ۲۹۳

عبدی پاشا حضر تترینک جواباً

یازدیغی لایحه در

فریق سعادتلو علی نظامی پاشا حضر تتری طرفندن تنظیم
اولنوب دیوان حربده طرف عاجزانمه اعطا وارائه اولنان
مذکره مطالعه کذار عاجزانم اولغله جواباً تفصیلات آتیهنک
اعطاسنه ابتدار اولنور . شویله که:

روسیه لونک دولت علیه علیه اعلان حربندن مقدم هیئت
دولتجه ایش موضع مذاکره قونیه رقی اطرافله مطالعه ایدلکده
روسیه لونک قبول تکلیفاتی ناموس دولتی اخلاص ایدم جکندن
دولت معظمه عثمانیهنک بوتکلیفی قبول ایتمسندن ایسه نهایت
درجهیه و محو اولنجیه قدر محاربه ایدوب ناموس عالیسی
اوصورتله محافظه ایتسی مجلس عمومیده قرار لاشدیرلدیغندن
مستعیناً بغایه الله تعالی حدود خاقانیده اسباب مدافعهنک تهیه سی
صروده سلطنت سینهنک اولوقتکی قوه موجوده سی نسبتنده
(وارنه) و (شمنی) موافقی دخی داخل اولدینی حالده
دوبریجه قطعهنک منتهاسنه قدر مواقع مستحکمه وسائر سنده دخی
انجق [یوز یتمش] طابور عساکر شاهانه اقامه واقعادی ممکن
کوریله بیلوب اشبو قوتله و نهر آ دخی قوه بحریه ایله مهمالمن
مدافعهیه بذل ماحصل اقدام اولمنی ولزوم حقیقی و فوق العاده به
مبنی (ادرنه) ده دخی [قرق بیک] کشیلک بر قوه احتیاطیهنک

بولنديرلمسى وصوفيه موقعنك دخى تزويد قوتى قرارلشد يرلمش
 وبويولده ترتيب ايديلان پيلان وكلاى فيخام حضراتى دخى حاضر
 بولند قلىرى حالدہ حضور معالى موفور جناب پادشاهيده قرائت
 اولنمشيدى . مؤخرآ شرف افزاى سنوح بيوريلان اراده معالى
 عاده جناب پادشاهى به امتثالاً ومأموراً روم ايلي جانبہ عزيمت
 عاجزانہ مدہ اول بول مواقع عسكريه يى كورمك و ترتيبات
 لازمه يى اكا كوره اجرا ايلك ايچون دولتو احمد ايوب پاشا
 حضر تلىرله برلكده روسجغه مواصلت عبيدانه مدہ طونه بحريه
 قوماندانى اولان ونهر مذكور جه معلومات مكمله سى بولنان فريق
 سعادتو حسين پاشا حضر تلىرىنى اوراده بولهرق طونه نك اشاغى
 جانبندہ كى مواقع عسكريه دن عودتده كندوسيله ترتيبات نهر يه
 دائر مذا كره اولنسنه قرار ويرلمش اولدينى حالدہ روسجغه
 حين عودت عاجزانہ مدہ مشاراليہ حسين پاشا حضر تلىرىنك
 در سعادتہ الديرلدينى خبر آلنهرق اوصردہ مشار اليهك اورادن
 انفكا كى نا مناسب اولدينى در سعادتہ يازلمش ايسدہ مشار اليهك
 دونماى هايون قوماندانلى ايچون دها زياده لزومى اولدينى
 جوانى آلنهرق تأسف اولنمشيدى .

(شمنى) جه دخى ترتيبات لازمه اجرا اولنق اوزره
 روسجقدن اورايہ كلندى . برمدتجك صكره روسيه لونك دولت
 عليه عليهنده اعلان حربى وقوع بولسنه مبنى بتكرار روسجغه
 كچلمش وهرشيدن اول اجرا اولنہ جق تدبير ، قوه بحريه نك
 ترتيب و تعبيه سى اولدينى حالدہ مشاراليہ حسين پاشا حضر تلىرىنك
 يرينه طونه قوماندانى تعيين بيورلمش اولان عارف پاشانك كچ

قالمسى ومۇخرأ (طولچە) يە قدر كلكش ايسەدە اولوقنە دكىن روسيەلونك طونهك اشاغى ساحلنە يايىلمسى حسبيلە مشاراليە طولچەدن نەرايوقارويە چىقەمبوب اورادە قالمسىلە نەرك يوقارى جەتتەدىكى دونىماي ھايون قوماندانسز قالمش اولديغىدن ھەم تداير نەريە مذاكرە ايدىلك . ھەمدە مشار اليە عارف پاشانىك تحت قومانداسىندە اولەرق نەرك بوط باشىدن يوقاروسىندەكى دونىماي ھايونە قوماندائىتمەك اوزرە ادارە نەريە رئيسى بولنان ميرلوا سعادتلودلاور پاشانىك مأمورىتى تذكروانھا اولنوب بوكادرسعادتجە دخى مساعىدە بيورلمسى اوزرىنە پاشاي مومى اليە بوط باشىدە بولنان كىلىرى دشمنك تشبثات تجاوزىسە عليھندە استعمال ايتمك ايچون اول طرفە كوندردى .

اوارالق عارف پاشا دخى برأ (ماچىن) ە كلەرك اورادە مومى اليە دلاور پاشايى بولوب مأمورىتە دائر درسادتدن امر المدينى جەتتە مومى اليە ايشە قارىشمقندن منع ايتمش ودونما سوارىلرىنە دخى پاشاي مومى اليەك امرينە مطاوعت ايتمەلرىنى تنبيە ايدەرك روسجە كلكش اولمىسە وبو حالدن طولايى مومى اليە دلاور پاشادخى متعاقبآر وسجفە كلكسىلە پاشاي مومى اليەك مأمورىتى وبوندىن مقصدنە ايدوكنى پاشاي مشارانيە تفھيم اولغىشىدى . ايشتە او صرەدە پاشاي مشار ومومى اليەما وسائر ارباب وقوف ايلە مذاكراتدە موجودكىلرك دشمن مرىبانە تحمىل ايدەبىلەجك واندرە مقاومت ايلەبىنەجك قوت وجسامتدە ومرتبە كفايەدە اولمدينى جەتتە نەركالەدە طوتىلە بىلمسى وسيرت كوبريسىلە قارشو جەت تيمور يوللرىنىك تخريب وتعطيلى حقنەدە اولان تصوراتك موقع اجرايە

وضع وایصال ایدیلہ بیلیمی معلوم اولان ایکی زرہلینک طونہ یه
 کجورلمسنہ متوقف ایدوکی وصورلک فیضانی جہتیلہ مذکور کیمیلرک
 نہرہ کتورلمسی ممکناتدن بولندیفی تحقق ایتسنہ مبنی بو بابدہ
 درس عادتہ بالذفات مراجعت اولمش ایسہدہ ایجابی اجرا
 بیورلماش اولدیفی کبی مؤخرأ والی ولایت دولتلو احمد پاشا
 حضر تلیرنک شمنی تشریف بیورملری و مشار الیہک خصوصات
 بحریہ یه وقوف و معلوماتلری جہتله تصویرات معروضہ نک
 اجراسی استفسار و جریان ایدن مذاکرات و مخبرات سابقہ
 دخی تذکار قلمسی اوزرینہ مشار الیہ عارف پاشایی ده شمنی یه
 جلب ایدمک یینلرنده واقع اولان مذاکراتده دخی طونہ نہرینک الدہ
 طوتیلہ بیلیمی و تصورات معروضہ نک موقع فعلہ کتورلمسی ایچون
 اسملری تعیین اولنہ رق ایکی زرہلی ایلہ بر قاج اخشاب کینک ہمہ حال
 نہرہ آلمسی اہم و الزم کورلدیکندن اشبو کیمیلرک درجہ اہمیتی اہلی
 واسطہ ییلہ اشعار و اثبات ایدیلہ رک بو صورتلہ اشعارات سابقہ
 عاجزانہ می تأیید ایتدیرہ بیلیمک و ارتق دائرہ بحریہ جہ برشی دنیلیمسنہ
 وزیادہ تأخراتہ برشی قلمامق مقصدیلہ طرف عاجزانہ مدن
 واقع اولان اخطار اوزرینہ کیفیتی مشار الیہ احمد پاشا طوغریچہ
 باب عالی یه یازمش اولدیفی حالہ خصوصات حریہ یه مداخلہ
 ایتہ مسی لازم کلہ جکی مآئندہ و صورت توبیخی حاوی ہم مشار الیہ
 ہمہ طرف عاجزانہ مہ تلغرافنامہ سامیلری کلش و بونک اوزرینہ
 خصوص مذکورک مشار الیہ احمد پاشا حضر تلیری طرفندن
 یازلمسی بروجہ معروض کندیسنک خصوصات بحریہ یه معلومات
 دائمہ سی اولمسندن طولانی ترویجی موجب اولور ملاحظہ سیلہ

طرف عاجزانه مدن اولنسان اخطاره مبنی اولدینی و صورت
 اشعارك ترویجی اهم والزم بولندینی طرف چا کریدن بتکرار
 باب عالی به یازلمش ایسه ده ترویج اشعار شویله طورسون جوابی
 بیه النهمامشدرکه اگر اول و آخر وقوع بولان معروضات
 عاجزانه ترویج اولنش اولسهیدی دشمنك حرکات و تجاوزاتی
 تعطیل اولنور و ایشك بشقه رنگ کسب ایتسنی موجب اولوردی.
 چه فائده که بوقدر اخطارات و تأکیدات ثمره سز قالمشدر .
 حتی طونه سواحلنك نرمه لرینه طور پیل وضعی و هانکی محملرده
 زورلی کمیر ترتیبی لازم کله چکی بیانیه اجرای ایجابی طونه به
 عزیمت عاجزانه مدن اول طونه عموم قوماندانلنی طرفندن مقام
 سرعسکری به و اورادن ده بحریه نظارت جلیله سنه نه درلو اجرای
 تبلیغات قلمش و نظارت مشالیه طرفندن نه جوابلر ویرلمش
 اولدینی قیوده عندالمراجعه معلوم اوله جنی درکاردر . اوت قوه
 بحریه قوماندانك دخی طرف عاجزانه محمول اولدینك و بوندن
 طولانی بحریه نظارت جلیله سنه سؤال ترتب ایتدیكك نظارت
 مشارالیه جانب سامیسنندن درمیان اولدینی مقدا مقام سر
 عسکری به بیلدیرلمش ایسه ده جواباً یازیلان جوابنامه عاجزیده
 کوسترلیدیکی وجهله کرچه قوه مذکورنك صورت عمومیه ده
 قومانداسی یعنی سفائن حربیه دن طلب اولنه حق ایشك تعیین
 و توجیهی قوه بحریه قوماندانلغه محمول اولمسی طبیعی ایسه ده
 قننی سفینه لرك نه صورتله نه ایشده استخدام ایدلمسی کبی صورت
 اجرائیه و تفرعات سائرمسی جهت بریه دن مأمور قوماندانه عائد
 اولماق ممکن اوله میه جنی کبی مشارالیه حسین پاشانك خود بخود

نظارت مشارالیه جانبدن قالدیرلمسیله نهرجه معلومات مکمله سی
اولان بویله برذاتک تمام ایشه مباشرت زماننده غیبوتی و خلفنک
وقتیله عدم وصولی و طونه جه معلومات سزلنی قوؤ بحریه قوماندانی
وامراسی پیننده بلندا کره شدت لزومی تعین ایدن واول و آخر
تعین اسامیسیله طلب ایدلمش اولان کیملرک کوندرلمامسی و مشارالیه
عارف پاشا طرفندن مؤخرأ بیان و اشعار قلندیغنی وجه ایله
عسکر و استحکاماتمز اولیان محللره کی کوندرمامک اوزره
اداره بحریه دن کنیدیسنه و اصرشدیده و مکرره ویرلمش اولمسی کی
صرف دائرة بحریه دن منبعث و طونه سواحلنک الدن کیتمسنی
موجب اسباب تقصیر یه دن طولای دخی طرف عاجزانمه ذره قدر
مسئولیت ترتیب ایتمه چکی دخی بدیهیدر .

اسباب معروضه دن طولای وقتاکه روسیه لو قارشی سواحلی
استحکامات ایله تقویه و بیوک چاپلی طوپلر ایله تجهیز ایتدی .
ارتق ذاتاً اوافق تفک شیلردن عبارت اولان کیملر بتون بتون
اجرای حرکتیه مقتدر اوله میهرق بولندقلربی مواقعه قالدیغندن
و ذاتاً دوبریجده بولنان قوؤ عسکریه نك مقداری آزاولمغله برابر
موقع دخی معلوم اولدیغندن دشمنك اورادن کچه بیلمسی مأمول
اولمغله قطعه مذکوره اهالیسنك ایچرولره النسی لزومی حسب
التعلق اولوقت طونه والیسی دولتلو صادق پاشا حضرتلرینه
اخطار اولنسنه مبنی کیفیت مشار الیه حضرتلری طرفندن باب
عالی ایله بالخبره قرارشدریلهرق اجرای ایجابی ضمننده قطعه
مذکوره نك ملکیه مأمورلرینه تعلیمات لازمه اعطا بیورمشلرایدی .
قوؤ نهریه نك حسن ترتیب و استعمالنه سکتیه کتورلمسندن

طولانی اگرچه استعفا ایتمک کی بیله کوزه الیرمش ایسه مدده وقتک
وصفت حیتک مساعد اوله مدینگی تعریفه حاجت کوره نم. مذکرده
بالجمله حدود خاقانیه نک هر طرفی تقویه ایدیلهرک مدافعه دشمنه
کفی حاله قولش وطونه بوینده بر قوه کلیه وافیه بولندیرلمش
اولدینی اتیان بیوریلبور. واقعا طونه بویی کبی بر سرحد مهم
ومعتنانک استحقکاتدن عاری اولمسی ونهرده بولندیریله جق
سفاتنک حین اقتضاده بارینه بیلیمسی ایچون الک منتظم لیمانلر بولنمسی
هیئت دولت طرفدن بش آلتی سنه مقدم نظر تأسفله کوریلهرک
اجرای ایجابی ضمننده دولتلو احمد ایوب حضرتلری وسعادتلو
پاشا ایله امرای بحریه دن مرکب بر قومیسون مخصوص تشکیل
اولنهرق وریاستی عهده عیدانه توجیه بیوریلهرق اوطرفه
عنیمت اولنش حتی کوستنجه ایله بوغاز کوی اووه سی استحقکام
ایله طوئلق اوزره ایشه مباشرت اولنسنی متعاقب ارضرومه
تحویل مأموریت عاجزانهم وقوعبولهرق ومذکور قومیسون
طاغیلهرق تشبثات واقعه قوه دن فعله چیقاریله مامشدی .

هر طرفی تقویه ایدلمش دینیلان وطولی ایکوز ساعته قریب
اولان طونه حدودینک شمدی یالاکیز و دین وروسحق و سلاستره
موقعلری مستحکم اولوب وطوتره قان ایله نیسکبولی موقعلرنده
دخی اوفاق تفک استحقکام بولوب حدودک محال ومواقع سائره سی
استحقکاتدن خالی وتجاوز اعدایه مساعد بولندینی معلوم اولدینی
کبی اشبو مستحکم عد اولنان مواقع وشمی و وارنه موقعلرینه
یابلمسی اولوقت قرارگیر اولان استحقکات دخی بودفعه طونه به
مواصلت عاجزانهمده هنوز ناتمام بر صورتده بولندینی وبونلرک

اكمانه و بعض لازم كلن محاربه يكدن استحكام انشاسنه فوق العاده
 سعي و اهتمام اولمش ايسده قوميسيون مذكورك بدأ بتدريديكي
 استحكاماتدن اليوم بعضيلري اكمال ايديله مديكني هيأت عالي
 ديوانك معلومات عليه لرينه حواله ايدر و بواحوالي اركان حرب
 رئيسي سعادتلو پاشا حضرتلرينك مشهور داتيله دخي اثبات ايلرم .
 بو حدود اوزرنده قوه كليۀ و افيه تحشيد ايتديرلديكي بحشه
 كلنجبه ۱۹ شعبان ۹۴ تاريخلي جواب عاجزانه مده دخي بيان
 اولنديغي وجه ايله بو محاربه قوه موجوده مزك كفايته كوو نه رك
 و دشمنه غلبه اميد ايدر ك اختيار ايدلمش اوليوب مجرد ناموس
 دولت عليه بي صوك درجه يه قدر حرباً محافظه ايچون اختيار
 ايدلمش و بويابده هر درلو فدا كارلق كوزه آديرلمش ايدى و مهمما
 امكن مدافعه ايچون اولوقتكي قوه موجوددن طونه جهته
 يالكلر يوز يتمش طابور افراز و تفريق ايديله بيلمش ايدى كه بونك
 اللي طابوري صرب حدودندن نيكلولى يه قدر اولان واقعي
 محافظه ايتك اوزر و يدين ايچون و اوتوز طابوري نيكلولى داخل
 اولديغي حالده اورادن طوتره قانه قدر سواحلي محافظه ايتك
 اوزره روسه جق ايچون ويكرمي طابوري طوتره قان داخل
 اولديغي حالده اورادن بوغاز كوينه قدر اولان واقعي وقايه ايتك
 اوزره سلاستره ايچون و سكرى دوبريجه و استحكاماتي محافظه
 ايتك و هر طرفه احتياط عمومي اولق اوزره اليسي دخي شمنى
 و اون ايكيلى و ارنه ايچون ايدى . ارباب و قوفه معلوم اوله جنى
 وجهله شمدىكي اسلحه و اكا كوره ياپلمش اولان مواقع
 معلومه استحكاماتنه نسبتله اشبو مقدارى عرض اولنان عسكر ك كليتي

R/m


v/64

ناشری
قره کوز غزته سی



فیثاتی ۵۰ پاره در





3 1761 07145893 9

'Abdülkerīm Nādir, pāṣā
Serdār-ı Kerim 'Abdülkerīm
Nādir pāṣānın müdafa'nāmesī

DR
572
A 23